

書名 西湖遊覽志二十四卷 嘉靖二十六年序刊萬曆十二年序江陰范鳴謙修本  
撰者 明 田汝成 撰  
卷 卷五  
內容分類 史·地理·名勝·浙江  
索書號 倉石 20405  
編號 2037500

# 卷五

彩色首頁1

[東洋文化研究所漢籍目錄](#) 編號: 2037500

[東洋文化研究所漢籍目錄所藏漢籍善本全文影像資料庫](#) 索書號: 倉石 20405

[漢籍善本全文影像資料庫](#) 文本 [西湖遊覽志二十四卷](#) 嘉靖二十六年序刊萬曆十二年序江陰范鳴謙修本

版權所有: 東京大學 東洋文化研究所  
使用上的注意事項

## 西湖遊覽志第一卷

### 西湖總叙

西湖故明聖湖也周繞三十里三面環山谿谷縷注  
下有淵泉百道瀦而為湖漢時金牛見湖中人言明  
之瑞遂稱明聖湖以其介于錢唐也又稱錢唐湖  
其稱委于下湖也又稱上湖以其負郭而西也故  
云西湖諸山之脉皆宗天目天目西去府治  
十里高三千九百丈周廣五百五十里蜿蜒  
深拔峭舒岡布麓若翔若舞萃于錢唐而嶺

錢唐田 汝成 輯撰

十八縣五嶺共之西嶺每六峰

西湖遊覽志第五卷

錢唐田 汝成 輯撰

南山勝蹟

自南屏山而南過錢糧司嶺折而西為廣澤禪寺甘露泉

錢糧司嶺吳越王建司於此以徵山課嶺側有龍毋池乾溪水

廣澤禪寺舊名甘露晉天福六年吳越王建有泉一泓其澄可深若甘露然故以名寺宋治平二年改額廣澤 國初燬天順八年重建

吸

又西南爲大慈山定慧禪寺虎跑泉

大慈山去城可十里在龍山西其北有樵歌嶺戒

定岩

定慧禪寺俗稱虎跑寺唐元和十四年僧寰中建

憲宗賜額曰廣福院大中八年改大慈禪寺僖

宗乾符間加定慧二字宋末燬元大德間重建

又燬 皇明正德十四年寶掌禪師重建嘉

靖十九年又燬二十四年山西僧來果重建○

蘇子瞻詩紫李黃瓜村路香烏紗自葛道衣涼

閉門野寺松陰轉欹枕風軒客夢長因病得閒

殊不惡安心是藥更無方道人不憚壻前水借

與匏尊自在嘗陳浩和詩良二千石昔清賞虎

跑泉頭風露涼直將才華比賈傳徧歷山川如

子長流傳玉局播千古脉絡銀河來上方清秋

擬到三天竺自裹春茶來煮嘗釋來復和詩金

沙泉湧雪濤香灑作醍醐大地涼倒浸九天河

影白遙通百谷海聲長僧來汲月歸靈石人到

尋源宿上方欲著茶經校奇品山瓢畱待羽僊

嘗

虎跑泉宋學士瀟銘叙云虎跑泉在杭之南山大

慈定慧禪院距城十里而近唐元和十四年性  
空大師來遊茲山樂其靈氣鬱盤棲禪其中尋  
以無水將他之忽神人跪而告曰自師之來我  
等徼惠者其大柰何棄去南岳童子泉當遣二  
虎來移師無憂也翼日果見二虎跑山出泉其  
冽勝常大師因畱建立伽藍蘇文忠公守杭爲  
之賦詩有虎移泉眼趣行脚之句蓋紀實也師  
名寰中蒲坂盧氏子得法於百丈海一時龍象  
如南泉願臨濟玄趙州諗巖頭齋雪峰存無著  
喜欽山邃咸來咨叩道要則其德服鬼神彰灼

靈異有不難致者於戲拔劍刺山水爲之灑折  
腰拜井泉乃仰流武夫健將一誠之所格尚若  
此况大師心悟無際者乎洪武戊午冬十有一  
月灑朝京師道經山下今主僧定岩戒有道之  
士也邀灑觀泉且披法衣率其徒同舉梵咒久  
之泉感沸而出若聯珠然已而微作湧勢灑心  
異之遂爲作銘銘曰天一所形厥質乃凝潛行  
重淵與勢俱升至人來居地不愛寶誰信清冷  
生於虎爪山后用君與道爲謀肯私一勺不師  
之留師既留止化泉爲雨云希且滲潤于千里

幻此荒虛遂成寶坊羣生依之爲正法幢命世  
大才猶龍類象來遊來咨如山答韻代祀雖邈  
聲華弗虧至今草木尚被餘輝我於世緣逢觸  
輒礙泉特相尋萬珠琲擾擾征騖風埃渺瀰  
有素者衣化而爲縑願挹寸波如習禪定洗滌  
根塵一時清淨○蘇子瞻詩亭亭石塔東峰上  
此老初來百神仰虎移泉眼趨行脚龍作浪花  
供撫掌至今遊人盥濯罷卧聽空塔環珮響信  
知此來如此泉莫作人間去來想聶大年和詩  
中峰有路盤桓上前代遺踪成俯仰老禪對客

欲忘言塵事惱人空執掌梵音時答海潮聲山  
雨暗添泉溜響倏然長揖下烟蘿玉珂謾使因  
風想張輿詩步履看花入翠微暖風蘭氣襲人  
衣虎曾聽汰跑泉出龍或逃禪挾雨飛寰悟鑿  
空開洞府東坡遺蹟著岩扉世情總被凡僧惑  
泡影觀來果是非蓋虎跑泉本非因呪而起者  
以人聲振動之則加沸耳

又西南爲崇先龔慶禪寺真珠泉

龔慶禪寺俗呼真珠寺舊名薦福院晉開運間吳  
越王建爲清鑑禪師道場宋大中祥符六年改

崇教院開慶元年賜今額  
直珠泉在龔慶寺內周顯德間泉自地迸出寺僧  
因斃爲方池聞剝喙聲則泉益湧壘壘如貫珠  
宋景祐中官家取以釀酒遂以爲酒名雷峰路  
口張園亦有真珠泉董嗣杲詩泉光四散駭猿  
猱迸起平池點滴高誰欲斗量徒積夢人將瓶  
汲肯辭勞聲隨夜雨穿踈箔名逐春風入小槽  
別有雷峰峰下圃一泓埋沒在蓬蒿

西湖遊覽志第五卷

西湖遊覽志第六卷

南山勝跡

自清波門折而南爲筆架山方家峪忠節祠褒親崇  
壽教寺

錢唐田汝成輯撰

忠節祠以祀宋大學生徐應鑣者應鑣衢州人宋  
亡義不降虜與其子琦松女元娘俱赴井死  
同舍劉生等叔其屍葬於此朝命贈爲秘閣修  
撰正德間參政梁材奏請立祠有司春秋致祭  
褒親崇壽教寺俗稱劉娘子寺宋紹興十八年劉